

www.sarie.com - <http://www.sarie.com/lees/artikels/toer-saam-met-marita-in-frankryk>

Toer saam met Marita in Frankryk

Jou toer begin met **2 dae in Parys**, waar jy tuisgaan in 'n hotel in die **Opera-gebied**. Skrywer [Marita van der Vyver](#) sal jou vergesel na van die beste **kuns- en kultuurskatte** en die lekkerste **inkopie-paradys** en **eetplekke** uitwys.

Van daar reis ons per trein na **Montluçon**, en dan per luukse-bus na **Aubusson**. Hier span ons vir 5 dae uit in die betowerende


[Hôtel Château Sallandrouze](#), vroeër 'n vervalde 19de-eeuse herehuis wat deur Suid-Afrikaner **Lanie van Reenen** en **vennote** as luukse-hotel ingerig is. Verken die outydse dorp te voet en besoek die **tapisserie-museum**, die **Manufacture St. Jean** en **winkeltjies** wat nou nog hul bestaan maak uit die kunsverlede van Aubusson.

Die volgende 5 dae is ons **reis-spyskaart** die ene interessantheid: die **Orsan-tuine**, die huis van skrywer **George Sand**, pieknik by **Lac Vassivière** en die **porselein-fabrieke van Limoges**. Ons kuier 'n dag lank by **Louis Jansen van Vuuren** (bekende SA kunstenaar) en **Hardy Olivier** by hul [Château de la Creuzette](#) op die naburige dorpie **Boussac**.

Ons stap saam na die **markplein** om middagete-bestanddele te koop vir hul gunsteling-geregte wat ons saam in hul **somer-kombuis** geniet. Daarna besoek ons die **Boussac-kasteel** en geniet 'n glasië sjampanje met Louis en Hardy voor ons terugkeer na Aubusson.

Saans kuier jy saam met Marita en Lanie terwyl **sjef Christophe Chabanel** Franse geregte optower. **Etes is onder die sterre**, in die formele Café Sallandrouze of die informele Bistrot Boma.

Daar's ook tyd vir **masserings**, laat slaap of net met 'n boek in die son opkrul . . .



Kuier saam met SARIE-rubriekskrywer **Marita van der Vyver** van Parys tot die bekoorlike Limousin-provinsie.



Marita neem jou na die beste **kuns- en kultuurskatte in Parys**.



'n Tipiese romantiese **straattoneel** in Parys. Geniet die straatkafes, die allerheerlikste koffie en croissants.



Welkom by die betowerende **Hôtel Château Sallandrouze**.



Dié 19de-eeuse herehuis is nou 'n **luukse-hotel in Aubusson**.



Hôtel Château Sallandrouze in die outydse dorpie Aubusson.



Hôtel Château Sallandrouze.



Hôtel Château Sallandrouze in die winter.



Château de la Creuzette op die naburige dorpie **Boussac**.

Wat kos die toer?

- R29 250 p.p. wat deel
- R34 500 per enkelkamer

Dit sluit in:

- * Retoerreisgeld in ekonomiese klas van O.R. Tambo na Parys (Air France)
- * Verblyf in 'n 3-ster-hotel in Parys, 'n luukse-hotel in Aubusson
- * Ontbyt en aandetes
- * Alle vervoer en besienswaardighede
- * Tweedeklas-retoertreinkaartjie van Parys na Aubusson

Nie ingesluit nie:

- * Schengen-visum
- * Reisversekering
- * Persoonlike items

WANNEER

SARIE-TOER 1

11 September – 20 September 2009

SARIE-TOER 2

25 September – 4 Oktober 2009

BESPREEK SÓ

Rufaro Destination Management

Skakel 021 462 7022, e-pos kitty@rufaro.co.za

Klik hier vir die [volledige reisplan!](#)

